

商王受鳳光

王省外臺

秋野

同治甲戌秋日
廣東翰墨園刊

外臺秘要序

天下事久壞于庸人而庸

醫均之所謂庸者皆不學

無術之人也其遇事也初

不晰其受病之源并不審

其對治之方而或以姑息

養癰或以鹵莽嘗試究之

鹵莽之為害什居五而姑

息之為害什居八迺始藉

手以貽後人曰吾姑徐之

無動為大耳不知邪氣日
深元氣日削而大命已隨

之所謂庸臣誤國與庸醫

誤人其情同其罪均而其

原皆本于不學使其學之

而窮究古今之病源細攷
古今之方畧其病之在標
在本也其方之宜補宜洩
也其病之或傳或變也其
方之不執不拘也彼夫三年

蓄艾能治之於未病之先與
夫一七回生能治之于已病
之後皆是先聖先賢當日
殫竭之心思皆是醫國醫
人當日素具之方略儒者明


理奈何不亟講求而以人
命為戲耶此余友敬通氏
探析性命之微雅抱痼瘵
之痛而以好學不倦之旨
贖人以博施濟衆之方先

梓外臺秘要續補聖濟總
錄壽國壽民具茲編矣程
子之功顧不偉歟

皆

崇禎庚辰清和之吉

賜進士及第翰林院編修
國史講官邑人吳孔嘉撰



重刻外臺秘要方序

程敬通氏名儒也語輒破的以文

雄兩浙間亦名醫也所活無算都

人士走其門如鶩敬通氏亦挾刀

幸而走四方以日出治醫日晡治

儒出門治醫入門治儒下車治醫

上車治儒分身以應猶不勝其勞
億而乃謀之余不佞不佞曰子儒
者余請以儒之醫宣尼有言博施
濟衆不如為仁之方，術也醫方
仁術也以身生人與以言生人其
仁孰廣其為仁孰約子試辨之敬

通氏乃窮寒暑日夜之力購集唐
王憲外臺祕要四十卷為方六千
九百有奇縷分嚴訂以付剖劂夫
敬通氏斲葷少飲雖不佞佛寔大
得西來意故其言曰醫有祕要猶
佛有祕密藏也大醫王隨病發藥

集經五千四十八卷開示衆生衆
生之學其道者認賊作子不得因
賊棄子不得指標為月不得指月
廢標亦不得若夫醫之有方正類
兵法之有孫吳穰苴離則為野戰
執則又為馬服子之讀父書神而

明之存乎其人變而通之存乎其
心解之維摩詰嘿然無語三十二
義一時俱墮語不能顯嘿不能藏
雖非秘猶秘也昔袁陸井翁之以
易詮醫也其理平易其用交易其
方又不易明乎易而青囊之訣思

過半矣昔長桑君禁方飛秦越人
不傳今敬通氏尊王司馬為長桑
君而以已當秦越人千年舊本稍
徑叅駁便足褫軒岐而繹四氏一
旦起而醫國膏肓媵理洞若觀火
行使六合之大運于十指萬姓之